

MPN/mag

**ACTA DA SESIÓN EXTRAORDINARIA DA COMISIÓN INFORMATIVA DE  
COOPERACIÓN MUNICIPAL, COOPERACIÓN TRANSFRONTEIRIZA E COHESIÓN  
SOCIAL DO DÍA 14/12/2021**

ASISTENTES

PRESIDENTE:	D. Santos Héctor Rodríguez Díaz
SUPLENTE	D <sup>a</sup> . Olga María García Ballesteros
VOGAIS:	d. Carlos López Font, en substitución de D <sup>a</sup> . Ana María Mejías Sacaluga D. Gorka Gómez Díaz D <sup>a</sup> . Raquel Giráldez Armas D. Manuel González Martínez D. Gregorio Agís Gómez D <sup>a</sup> . Iria Lamas Salgueiro D. José Carlos López Campos D. Jorge Cubela López D. Ángel Manuel Rodal Almuíña, en substitución de D. Miguel Domínguez Alfonso D <sup>a</sup> . María Paz Lago Martínez D. Ignacio Maril Pardo D. José Alfonso Marnotes González D. Javier Tourís Romero D. Xosé Cesáreo Mosquera Lorenzo D <sup>a</sup> . María Ortega Iñarrea, en substitución de D. Uxío Benítez Fernández

Sendo as doce horas e cinco minutos do día catorce de decembro do ano dous mil vinte e un, reúnen-se no Pazo Provincial os Sres./as. Deputados/as arriba relacionados, en sesión extraordinaria, e baixo a Presidencia de D. Santos Héctor Rodríguez Díaz. Actúa como secretaria a Xefa do Servizo de Cooperación, D<sup>a</sup>. Marina Piñeiro Novo.

Aberta a sesión polo Presidente, pásase ó estudo dos asuntos incluídos na Orde do Día, sobre os que recaeron os seguintes ditames:



## **1.- APROBACIÓN DA ACTA ANTERIOR**

Apróbase a acta da sesión anterior correspondente á sesión extraordinaria celebrada o dezanove de novembro do ano dous mil vinte e un co voto favorable de todos os membros da Comisión.

## **2.- DAR CONTA DA APROBACIÓN DO “CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO AS OBRAS DE REHABILITACIÓN INTERIOR E MELLORA DA ACCESIBILIDADE DO PAZO DO CONCELLO DE PONTEVEDRA ” (expediente núm. 2021059527)**

De conformidade co establecido nos artigos 123 e 126 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, dáse conta do seguinte informe sobre o convenio de colaboración tramitado polo Servizo de Cooperación:

### **“ASUNTO.- INFORME SOBRE CONVENIO DE COLABORACIÓN TRAMITADO POLO SERVIZO DE COOPERACIÓN.**

*Dáse conta á Comisión Informativa de Cooperación do informe sobre a aprobación do convenio de colaboración tramitado desde o Servizo de Cooperación e que se relaciona a continuación.*

<b>CONVENIOS DE COLABORACIÓN</b>		
<b>DENOMINACIÓN</b>	<b>APROBACIÓN</b>	<b>EXPEDIENTE</b>
CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO AS OBRAS DE REHABILITACIÓN INTERIOR E MELLORA DA ACCESIBILIDADE DO PAZO DO CONCELLO DE PONTEVEDRA	Acordo Xunta de Goberno núm. 4.31059 de 10/12/2021	2021059527

*O convenio referido ten por obxecto establecer e concretar o réxime de colaboración entre ambas administracións locais para o financiamento de a “REHABILITACIÓN INTERIOR E MELLORA DA ACCESIBILIDADE DO PAZO DO CONCELLO DE PONTEVEDRA”, co obxectivo de solucionar o problema da accesibilidade dende os accesos e entre os diferentes niveis do edificio e a posta en valor dun inmovible de titularidade municipal, mellorando o patrimonio cultural e a calidade do entorno protexido e ofrecendo unha maior calidade de servizo ao conxunto da cidadanía , ao modernizar as instalacións municipais existentes.*



*O custe total do investimento segundo o orzamento do proxecto ascende a 1.361.377,69 € IVE engadido, que segundo o previsto na proposta de convenio será financiado pola Deputación de Pontevedra nun 90%, coa achega de 970.000,00 euros no exercicio 2021 e 255.239,92 euros no exercicio 2022.*

*En data 19/11/2021 celebrouse a última sesión da Comisión Informativa de Cooperación Municipal, Cooperación Transfronteiriza e Cohesión Social. Dada a data na que se reuniu a Comisión Informativa de Cooperación Municipal e a data na que tivo entrada a solicitude do concello resultou imposible incluír a aprobación do convenio na sesión da Comisión Informativa celebrada no mes de novembro.*

*Debido a que o Concello de Pontevedra ten crédito asignado do orzamento da Deputación Provincial do ano 2021 que se ten que comprometer antes de que finalice o ano. Tendo en conta que a derradeira sesión da Comisión Informativa se celebrará o día 14/12/2021, a rixidez dos trámites administrativos provocaría que se dilatase no tempo a tramitación, polo que o Concello correría o risco de perda total e irreversible de crédito, ao estar máis próxima a data de vencemento de dispoñibilidade do crédito imputable ó ano 2021 e, como consecuencia, a imposibilidade de levar a cabo o citado investimento ocasionando un grave prexuízo ó Concello e, por ende, a cidadanía.*

*En data 07/12/2021 a Intervención Provincial emite o seu informe, no que establece que este convenio debe ser sometido ao ditame da correspondente comisión informativa. Non obstante, dada a urxencia debidamente xustificada, estímase procedente a dación de conta con posterioridade á citada comisión.*

*Exposta a urxencia debidamente motivada dáse conta á Comisión na súa primeira sesión dende a aprobación do convenio.*

*Pontevedra, na data da sinatura electrónica*

*A Xefa do Servizo de Cooperación,  
(documento asinado electronicamente)*

*Asdo.: Marina Piñeiro Novo”*

A Comisión Informativa de Cooperación Municipal, Cooperación Transfronteiriza e Cohesión Social queda enterada da aprobación do convenio de colaboración referido “ut supra”.

**3.- DAR CONTA DA APROBACIÓN DO “CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO O PROXECTO DE ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO” (expediente núm.2021047581)**

De conformidade co establecido nos artigos 123 e 126 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, dáse conta do seguinte informe sobre o convenio de colaboración tramitado polo Servizo de Cooperación:



**“ASUNTO.- INFORME SOBRE CONVENIO DE COLABORACIÓN TRAMITADO POLO SERVIZO DE COOPERACIÓN.**

Dáse conta á Comisión Informativa de Cooperación do informe sobre a aprobación do convenio de colaboración tramitado desde o Servizo de Cooperación e que se relaciona a continuación.

<b>CONVENIOS DE COLABORACIÓN</b>		
<b>DENOMINACIÓN</b>	<b>APROBACIÓN</b>	<b>EXPEDIENTE</b>
CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO O PROXECTO DE ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO	Acordo Xunta de Goberno núm. 5.31060 de 10/12/2021	2021047581

O convenio referido ten por obxecto establecer e concretar o réxime de colaboración entre ambas administracións locais para o financiamento do “ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO”, co obxectivo de acondicionar unha parcela sobre a vía férrea na rúa Doce de Novembro, establecendo un parque urbano e realizando unha reorganización espacial.

O custe total do investimento segundo o orzamento do proxecto ascende a 499.998,86 € IVE engadido, que segundo o previsto na proposta de convenio será financiado pola Deputación de Pontevedra nun 100%.

En data 19/11/2021 celebrouse a última sesión da Comisión Informativa de Cooperación Municipal, Cooperación Transfronteiriza e Cohesión Social. Dada a data na que se reuniu a Comisión Informativa de Cooperación Municipal e a data na que tivo entrada a restante documentación necesaria para dar trámite a concesión de subvención, resultou imposible incluír a aprobación do convenio na sesión da Comisión Informativa celebrada no mes de novembro.

Debido a que o Concello de Pontevedra ten crédito asignado do orzamento da Deputación Provincial do ano 2021 que se ten que comprometer antes de que finalice o ano. Tendo en conta que a derradeira sesión da Comisión Informativa se celebrará o día 14/12/2021, a rixidez dos trámites administrativos provocaría que se dilatase no tempo a tramitación, polo que o Concello correría o risco de perda total e irreversible de crédito, ao estar máis próxima a data de vencemento de dispoñibilidade do crédito imputable ó ano 2021 e, como consecuencia, a imposibilidade de levar a cabo o citado investimento ocasionando un grave prexuízo ó Concello e, por ende, a cidadanía.

En data 07/12/2021 a Intervención Provincial emite o seu informe, no que establece que este convenio debe ser sometido ao ditame da correspondente comisión informativa. Non



*obstante, dada a urxencia debidamente xustificada, estímase procedente a dación de conta con posterioridade á citada comisión.*

*Exposta a urxencia debidamente motivada dáse conta á Comisión na súa primeira sesión dende a aprobación do convenio.*

*Pontevedra, na data da sinatura electrónica*

*A Xefa do Servizo de Cooperación,  
(documento asinado electronicamente)*

*Asdo.: Marina Piñeiro Novo”*

A Comisión Informativa de Cooperación Municipal, Cooperación Transfronteiriza e Cohesión Social queda enterada da aprobación do convenio de colaboración referido “ut supra”.

**4.- DITAMINAR A CONCESIÓN DE SUBVENCÍONS AO ABEIRO DA CONVOCATORIA DO PROGRAMA PROVINCIAL DE INFRAESTRUTURAS E DOTACÍONS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA) (expediente núm. 2021025615)**

Sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de concesión de subvencíons ao abeiro da convocatoria do Programa REACPON, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, con carácter previo á súa elevación ante o órgano competente para a súa aprobación:

**“ASUNTO: CONCESIÓN DE SUBVENCÍONS AO ABEIRO DA CONVOCATORIA DO PROGRAMA PROVINCIAL DE INFRAESTRUTURAS E DOTACÍONS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

**ANTECEDENTES**

1º. O Pleno da Corporación Provincial na súa sesión ordinaria do día 28/05/2021, punto 7.7624, acordou aprobar as Bases reguladoras e convocatoria do Programa provincial de infraestruturas e dotacións singulares para a recuperación post-COVID-19 – Programa REACPON (Reacciona Pontevedra Provincia). As ditas Bases e o extracto da convocatoria publicáronse no BOPPO núm. 102, do 01/06/2021, sendo o prazo de presentación de solicitudes de dous meses a partir de dita publicación.

De acordo coa base 1ª o obxecto da convocatoria diríxese á concesión de subvencíons aos concellos, que se estruturan en tres liñas de actuacións: rehabilitación de edificios existentes (tipo 1), nova edificación (tipo 2) e espazos urbanos (tipo 3).

De acordo coa base 5ª o financiamento do Programa REACPON ascende a vinte millóns de



euros (20.000.000,00€), financiados con fondos propios da Deputación con cargo ao orzamento provincial do exercicio 2021, imputable á aplicación orzamentaria 2021/942.9420.762.75.

2º. Posteriormente, o Pleno provincial, na súa sesión ordinaria do día 26/11/2021, punto 8.7706 (BOPPO núm. 230, do 27/11/2021), acordou aprobar unha modificación parcial das Bases do Programa REACPON, que afecta ás bases 5ª e 6ª, para suplementar o crédito en seis millóns trescentos trinta e catro mil novecentos dezaioito euros con oitenta e nove céntimos (6.334.918,89€), da seguinte maneira:

- Un suplemento de crédito de cinco millóns de euros (5.000.000,00€) na anualidade 2021, imputables á citada aplicación orzamentaria 2021/942.9420.762.75, mediante a concertación dunha operación de crédito, condicionado á súa aprobación e formalización.
- Un suplemento de crédito dun millón trescentos trinta e catro mil novecentos dezaioito euros con oitenta e nove céntimos (1.334.918,89€), na anualidade 2022, imputables contra a aplicación orzamentaria que será no seu caso a 2022/942.9420.762.75.2021, con cargo a remanentes e condicionado á aprobación do expediente correspondente.

Tendo en consideración esta modificación parcial das Bases, o financiamento total por parte da Deputación do Programa REACPON ascenderá a un máximo de vinte e seis millóns trescentos trinta e catro mil novecentos dezaioito euros con oitenta e nove céntimos (26.334.918,89€).

3º. Segundo a base 6ª o procedemento de concesión é o de concorrencia competitiva, de acordo cos criterios e baremos contidos en dita base, correspondéndolle a súa instrución á xefa do Servizo de Cooperación cos Municipios, tal como se indica na base 7ª.

4º. O prazo de presentación de solicitudes rematou o día 02/08/2021 e dos potenciais beneficiarios da convocatoria, os 59 concellos cunha poboación inferior a 50.000 habitantes, presentaron a solicitude un total de 55 concellos.

Segundo o previsto nas bases 7ª e 10ª procedeuse a requirir a todos os concellos a emenda das súas solicitudes no prazo improrrogable de 10 días con expresa advertencia de que no caso de non emendar as faltas ou omisións teríanse por desistidos das solicitudes, previa resolución.

Unha vez finalizado o prazo de emenda concedido no parágrafo anterior, todos os concellos achegaron nova documentación para emendar as súas solicitudes.

5º. A instrutora do procedemento acordou excluír do proceso de valoración por parte da Comisión de Persoas Expertas as solicitudes do Concello de Arbo e Ribadumia por non dispoñer da titularidade dos terreos ou dun dereito de uso ou cesión sobre estes que teña unha duración indefinida, quedando excluídas segundo o apartado 1 da base 6ª. No caso do Concello de Arbo consta presentada unha escritura de cesión que non ten carácter





indefinido e no caso do Concello de Ribadumia a actuación que se pretende realizar afecta a un viario de titularidade provincial.

Así mesmo, acordou excluír a solicitude do Concello de Mondariz Balneario por inviabilidade de realización da actuación proposta xa que, segundo o informe técnico emitido polo enxeñeiro xefe do Servizo de Cooperación, a sección proxectada do viario obxecto de actuación non se corresponde co espazo dispoñible no terreo.

Finalizado o proceso de valoración quedan excluídos tamén os Concellos de Soutomaior, Pazos de Borbén, Barro, O Porriño e Agolada, xa que non acadan a puntuación mínima esixida polas Bases.

6º. En base aos criterios de concesión, os datos existentes no Servizo de Cooperación, o informe dos Servizos Técnicos de Cooperación de data 13/10/2021 e as actas das sesións da Comisión de Persoas Expertas de datas 05/08/2021, 06/09/2021, 04/10/2021, 20/10/2021, 26/10/2021 e 04/11/2021, a instrutora elaborou na data 30/11/2021 unha proposta de puntuación detallada e en orde decrecente, obtida por cada solicitude incluída na fase de valoración e propoñendo a concesión de subvención a 47 solicitudes.

De acordo co previsto nas Bases reguladoras, na data 01/12/2021 a Intervención provincial fiscalizou favorablemente o informe da instrutora xunto coa proposta de puntuación e a relación motivada de solicitudes a excluír. Nesa mesma data a Comisión de Avaliación procedeu ao estudo do dito informe acordando por unanimidade que se eleve ao Pleno para a súa aprobación como proposta de resolución definitiva o citado informe, no que se propón a concesión de subvención para as solicitudes de 47 concellos, dun total de 55 solicitudes presentadas.

Á vista desta última valoración a instrutora formula o presente informe-proposta de concesión de subvencións para a súa elevación ante o órgano competente para a súa aprobación.

7º. En total son 47 solicitudes as que cumpren todos os requisitos esixidos polas Bases, e entre elas propónse o reparto do crédito e deste xeito correspóndelles a concesión do 100% da subvención solicitada sumando un importe total de 26.284.445,54€, cifra que está dentro do crédito total que estará dispoñible unha vez tramitados os citados suplementos de crédito, no seu caso.

## **FUNDAMENTOS DE DEREITO**

### **Réxime xurídico**

- Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, reguladora das bases do réxime local (LRBRL)
- Lei 5/1997, de 22 de xullo, reguladora da administración local de Galicia (LALGA)
- Lei 39/2015, de 1 de outubro, do procedemento administrativo común das administracións públicas (LPACAP)



- Lei 40/2015, de 1 de outubro, de réxime xurídico do sector público (LRXSP)
- Lei 9/2007, de 13 de xuño, de subvencións de Galicia (LSG)
- Lei 19/2013, de 9 de decembro, de transparencia, acceso á información pública e bo goberno.
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014
- Bases reguladoras e convocatoria do Programa provincial de infraestruturas e dotacións singulares para a recuperación post-Covid-19. Programa REACPON (Reacciona Pontevedra Provincia)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016
- Bases de execución do orzamento da Deputación para o exercicio 2021

### **Consideracións xurídicas**

#### **Instrución do expediente**

- Base reguladora 6ª da convocatoria, que establece que o procedemento de concesión das subvencións é o de concorrencia competitiva, de acordo cos criterios de valoración recollidas nela
- Base reguladora 7ª da convocatoria, que indica que lle corresponde á xefa do Servizo de Cooperación á instrución do procedemento de concesión

#### **Petición e evacuación de informes**

- Artigos 79 e 80 da LPACAP, sobre a petición e a evacuación de informes
- Artigo 88.6 da LRXAP, que sinala que a aceptación de informes ou ditames servirá de motivación á resolución cando se incorporen ao texto da mesma
- Artigo 213 e ss. do TRLRFL, sobre o control e a fiscalización da xestión económica que lle corresponde realizar á Intervención
- Bases 47ª e 48ª de execución do Orzamento provincial para 2021, sobre o control e a fiscalización da xestión económica, que sinalan a competencia da Intervención para realizar esta función
- Artigo 24 da LXS, que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención
- Base reguladora 7ª da convocatoria, que indica que a xefa do Servizo de Cooperación, emitirá informe-proposta no que figurará a valoración feita pola comisión de persoas expertas á luz dos criterios de valoración establecidos nas bases, explicando o sistema de valoración seguido, relacionando as solicitudes por orde decrecente de puntuación, e





senalando a subvención que lle corresponde a cada un dos beneficiarios segundo o solicitado e as porcentaxes de cofinanciamento. Así mesmo, relacionaranse as solicitudes desestimadas, motivando as razóns da desestimación

### **Resolución do expediente**

- Artigo 22 da LXS, que dispón que a proposta de concesión formularase ao órgano concedente a través do órgano instrutor.
- Artigo 25 da LXS, polo que o órgano competente resolverá o procedemento e a resolución motivarase de conformidade co que dispoñan as bases reguladoras da subvención
- Artigo 62 do RLXS, que establece que na resolución de concesión deberán quedar claramente identificados os compromisos asumidos polos beneficiarios.
- Artigo 185 do TRLRFL, que regula as competencias en materia de xestión de gasto.
- Base de execución 25ª do orzamento provincial para o exercicio 2021 que recolle as normas xerais reguladoras das subvencións
- Base reguladora 1ª da convocatoria que define o obxecto e as finalidades subvencionables que poden acollerse a este programa
- Bases reguladoras 8ª e 10ª da convocatoria que recolle a necesaria documentación para a concesión da subvención e o prazo para a súa presentación
- Base reguladora 10ª da convocatoria que, segundo o disposto nos artigos 68.1 da LPAC, 23.5 da LXS, e 20.6 da LSG, prescribe que no caso de presentar incompleta a documentación á que se refire a dita base, se requirirá ao interesado para que nun prazo máximo de 10 días hábiles, emende as faltas ou omisións, con indicación de que non facelo, teráselle por desistido da súa solicitude, previa resolución ditada nos termos do artigo 21 da LPACAP
- Artigos 23.5 da LXS e 20.6 da LSG, en concordancia co artigo 68.2 da LPACAP, polos que o prazo de requirimento de emenda, ao abeiro dos procedementos de concesión en réxime de concorrencia competitiva, será improrrogable.
- Artigo 21.1 da LPACAP, polo que a administración está obrigada a ditar resolución expresa e a notificala calquera que sexa a forma de iniciación, que no caso da desistencia consistirá na declaración da circunstancia da súa concorrencia, con indicación dos feitos producidos e as normas aplicables.
- Artigo 84.1 da LPACAP, polo que porán fin ao procedemento a resolución, a desistencia, a renuncia ao dereito en que se funde a solicitude, cando tal renuncia non estea prohibida polo ordenamento xurídico, e a declaración de caducidade

De acordo cos antecedentes e os fundamentos de dereito, no exercicio das competencias recollidas no artigo 35 da LRBRL, no artigo 63 do ROFRXEL e as Bases específicas de execución do orzamento para o exercicio 2021, e visto o informe dos Servizos Técnicos de Cooperación de data 13/10/2021, as actas das sesións da Comisión de Persoas Expertas de datas 05/08/2021, 06/09/2021, 04/10/2021, 20/10/2021, 26/10/2021 e 04/11/2021, o informe da xefa do Servizo de Cooperación de data 30/11/2021, o informe de Intervención



de data 01/12/2021, e a acta da Comisión de Avaliación de data 01/12/2021, sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- APROBAR A CONCESIÓN DE SUBVENCÍONS ao abeiro do Programa provincial de infraestruturas e dotacións singulares para a recuperación post-COVID-19 – Programa REACPON (Reacciona Pontevedra Provincia), segundo o procedemento de concorrencia competitiva, aos 47 concellos beneficiarios que figuran no **Anexo I** a este acordo, para a realización dos investimentos que se relacionan no mesmo, por un importe total de 26.284.445,54€, e de acordo coas porcentaxes previstas nas Bases reguladoras.

Dado que o citado importe supera o importe inicial recollido nas Bases (20.000.000,00€) a concesión queda condicionada á modificación das mesmas, á aprobación da correspondente modificación de crédito no ano 2021, á aprobación definitiva do orzamento para 2022 e á existencia de crédito adecuado e suficiente para facer fronte ás axudas no dito exercicio.

Así mesmo, a concesión de subvención aos Concellos de Baiona, Caldas de Reis, Covelo, Pontecesures, Salvaterra de Miño, Silleda, Valga e Vilaboa queda condicionada á obtención das correspondentes autorizacións sectoriais e a concesión ao Concello de Pontearreas queda condicionada á efectividade do cambio de titularidade do viario.

A concesión das subvencións aos Concellos da Guarda e Sanxenxo queda condicionada á aprobación da modificación de crédito correspondente do ano 2022.

No **Anexo II** relaciónanse as oito solicitudes desestimadas, motivando as razóns da exclusión.

- AUTORIZAR e comprometer o gasto por importe de 25.000.000,00€ na aplicación 2021/942.9420.762.75 do vixente orzamento provincial, condicionado á aprobación definitiva da correspondente modificación de crédito no ano 2021.

- AUTORIZAR e comprometer o gasto por importe de 1.334.918,89€ na anualidade 2022, na aplicación que será, no seu caso, a 2022/942.9420.762.75.2021, con cargo á incorporación de remanentes e condicionado á aprobación do expediente correspondente.

- As presentes subvencións concédense con suxeición ás seguintes condicións:

a) Tras a resolución definitiva asinarase un convenio cos concellos beneficiarios, no que se definirán as actuacións obxecto de subvención, no caso de que os proxectos contemplen varias actuacións, e estableceranse de maneira pormenorizada os seus deberes.

b) As subvencións concédense para colaborar na execución das devanditas actuacións, non podendo cambiarse o destino nin a contía das mesmas.

c) Os beneficiarios deberán posuír tódalas autorizacións sectoriais necesarias así como as licenzas e permisos preceptivos para a execución dos investimento ao abeiro do establecido



nas Bases reguladoras da convocatoria.

d) Os beneficiarios deberán ter executadas na súa totalidade as actuacións para as que se conceden as axudas a 30/04/2023. Así mesmo, deberán xustificalas no prazo de cinco meses desde a súa finalización (marcada pola data máxima da certificación final ordinaria) sen exceder, en todo caso, o 30/09/2023. O incumprimento destas obrigas dará lugar ao inicio do expediente de perda do dereito ao cobro total ou parcial da subvención.

e) A licitación, execución e xustificación destes investimentos correspóndelle aos concellos beneficiarios, e realizarase conforme ao previsto nas Bases reguladoras do Programa REACPON e a demais lexislación vixente en materia de contratación e subvencións.

f) Para o aboamento da subvención concedida, requirirase a presentación da documentación xustificativa prevista nas Bases reguladoras, e previa comprobación por parte dos servizos técnicos provinciais, Cooperación e Intervención, de que se realizou o gasto para o fin e polo importe subvencionado e, ademais, de que se cumpriu coa finalidade e o obxecto da subvención. A non xustificación ou a xustificación fóra de prazo dará lugar ao inicio do expediente de perda, total ou parcial, do dereito ao cobro da subvención correspondente.

- DARLLE TRASLADO do presente acordo aos interesados, á Intervención, ao Servizo de Cooperación e ao Gabinete da Presidencia.”

#### ANEXO I – PROPOSTA DE CONCESIÓN DE 47 SUBVENCIONS

EXPTE.	CONCELLO	ACTUACIÓN	LIÑA	PUNTUACIÓN	ORZAMENTO	SUBVENCIÓN PROPOSTA	ACHEGA MUNICIPAL	OBSERVACIÓNS
2021039754	TOMIÑO	PROXECTO "ESPAZO ISaura GÓMEZ"	2	<b>93,39</b>	1.740.586,11	1.108.423,05	632.163,06	
2021039566	O ROSAL	REMODELACIÓN DA PRAZA DO CALVARIO	3	<b>93,17</b>	1.518.474,44	517.938,05	1.000.536,39	
2021039841	VILAGARCÍA DE AROUSA	REFORMA DE LOCAL NA RÚA CASTELAO, 7 PARA BIBLIOTECA MUNICIPAL	1	<b>83,07</b>	1.768.042,71	1.237.629,90	530.412,81	
2021039831	LALÍN	AMPLIACIÓN DO CEMITERIO DA ROMEA "FRAGA DO ALÉN" - DONRAMIRO	3	<b>83,07</b>	1.806.359,09	1.354.769,32	451.589,77	
2021039784	TUI	HUMANIZACIÓN EN RÚA ANTERO RUBÍN E CANÓNIGO VALIÑO	3	<b>81,77</b>	897.252,63	717.802,10	179.450,53	
2021039970	MOAÑA	REHABILITACIÓN DO EDIFICIO DO CONCELLO VELLO DE MOAÑA	1	<b>80,50</b>	1.160.815,50	870.611,62	290.203,88	
2021039565	MONDARIZ	CONSTRUCCIÓN DA ÁREA DE DEPORTE URBANO DO CONCELLO DE MONDARIZ	3	<b>78,51</b>	435.643,71	392.079,34	43.564,37	
2021040007	GONDOMAR	ADECUACIÓN URBANO-SOSTIBLE NA PRAZA ROSALÍA DE CASTRO E A SÚA	3	<b>78,37</b>	833.544,36	666.835,49	166.708,87	



EXPTE.	CONCELLO	ACTUACIÓN	LIÑA	PUNTUACIÓN	ORZAMENTO	SUBVENCIÓN PROPOSTA	ACHEGA MUNICIPAL	OBSERVACIÓNS
		CONTORNA						
2021040020	MARÍN	HUMANIZACIÓN DA CONTORNA DO MERCADO MUNICIPAL DE SEIXO	3	<b>77,18</b>	730.744,52	548.058,39	182.686,13	
2021040028	BUEU	REFORMA E AMPLIACIÓN DA BIBLIOTECA MUNICIPAL TORRENTE BALLESTER DE BUEU	1	<b>75,32</b>	916.559,80	687.419,85	229.139,95	
2021039842	A ILLA DE AROUSA	RECUPERACIÓN DA PRAZA DO REGUEIRO COMO ESPAZO PÚBLICO DE ENCONTRO E COHESIÓN SOCIAL DAS VECIÑAS E VECIÑOS DA ILLA DE AROUSA	3	<b>72,83</b>	1.500.114,90	384.631,74	1.115.483,16	
2021039787	CRECENTE	HUMANIZACIÓN DA PRAZA ANA PASTOR NO CONCELLO DE CRECENTE	3	<b>72,23</b>	409.008,14	359.770,45	49.237,69	
2021040019	DOZÓN	REHABILITACIÓN DA CASA CONSISTORIAL DO CONCELLO DE DOZÓN	1	<b>70,06</b>	405.381,92	333.339,11	72.042,81	
2021039982	CATOIRA	REHABILITACIÓN DA ANTIGA CASA CONSISTORIAL PARA CASA DAS ARTES	1	<b>70,05</b>	449.248,80	381.851,13	67.397,67	
2021039822	O GROVE	HUMANIZACIÓN DA RÚA ALEXANDRE BÓVEDA	3	<b>69,78</b>	999.388,07	722.864,95	276.523,12	
2021039844	MEIS	REHABILITACIÓN DE CENTRO DEPORTIVO PARA A MELLORA DA EFICIENCIA ENERXÉTICA E CONDICIÓNS DE SALUBRIDADE	1	<b>68,18</b>	507.715,49	431.558,17	76.157,32	
2021039791	CALDAS DE REIS	MELLORA DA ÁREA DO RÍO BERMAÑA	3	<b>67,84</b>	579.793,58	492.824,54	86.969,04	Concesión condicionada á obtención de autorizacións sectoriais
2021039770	RODEIRO	HUMANIZACIÓN E MELLORA PEONIL DA RÚA AVIADOR GUMERSINDO AREÁN	3	<b>66,73</b>	449.671,32	404.704,18	44.967,14	
2021038372	PONTE CALDELAS	REORDENACIÓN FUNCIONAL DA PRAZA FREI ANTONIO ORGE	3	<b>66,72</b>	493.966,62	419.871,63	74.094,99	
2021040013	BAIONA	REMODELACIÓN DA CONTORNA DO PASEO PINZÓN	3	<b>66,26</b>	1.744.006,88	837.119,63	906.887,25	Concesión condicionada á obtención de autorizacións sectoriais



EXPTE.	CONCELLO	ACTUACIÓN	LIÑA	PUNTUACIÓN	ORZAMENTO	SUBVENCIÓN PROPOSTA	ACHEGA MUNICIPAL	OBSERVACIÓNS
2021039764	FORNELOS DE MONTES	REHABILITACIÓN DO PAVILLÓN MUNICIPAL DE DEPORTES DE FORNELOS DE MONTES PARA MELLORAR A SÚA EFICIENCIA ENERXÉTICA	1	<b>66,23</b>	330.900,48	281.265,40	49.635,08	
2021039570	OIA	ACONDICIONAMENTO DA PRAZA DO CAMPO, BURGUEIRA	3	<b>65,65</b>	267.867,45	241.080,71	26.786,74	
2021040024	VILABOIA	AMPLIACIÓN DA CASA DO CONCELLO DE VILABOIA	2	<b>65,11</b>	993.834,47	461.859,85	531.974,62	Concesión condicionada á obtención de autorizacións sectoriais
2021039567	NIGRÁN	HUMANIZACIÓN DA RÚA OTERO PEDRAIO	3	<b>63,94</b>	1.592.114,67	905.214,42	686.900,25	
2021039830	COVELO	OBRAS DE RECUPERACIÓN E MELLORA DO ESPAZO PÚBLICO DO NÚCLEO RURAL DE PARAÑOS	3	<b>63,54</b>	415.000,00	373.500,00	41.500,00	Concesión condicionada á obtención de autorizacións sectoriais
2021039977	CERDEDO-COTOBADE	REFORMA INTEGRAL DA "CASA DO CONCELLO" DE CERDEDO-COTOBADE	1	<b>63,29</b>	489.989,51	391.991,61	97.997,90	
2021039802	MOS	A REFORMA INTEGRAL DA BIBLIOTECA MUNICIPAL E XULGADOS DE MOS EN PORTELIÑA, MOS	1	<b>62,30</b>	481.375,53	361.031,65	120.343,88	
2021040021	CUNTIS	REURBANIZACIÓN DAS RÚAS OLIMPIO ARCA E XOÁN XESÚS GONZÁLEZ	3	<b>62,24</b>	578.417,76	496.933,38	81.484,38	
2021039818	A CAÑIZA	EXECUCIÓN DE REHABILITACIÓN ENERXÉTICA DA PISCINA MUNICIPAL DA CAÑIZA	1	<b>61,27</b>	689.048,95	500.776,16	188.272,79	
2021040010	PONTEAREAS	CAMIÑO ESCOLAR SEGURO AO CEIP RAMIRO SABELL DE PONTEAREAS	3	<b>61,18</b>	963.527,36	722.645,52	240.881,84	Concesión condicionada á efectividade do cambio de titularidade do viario
2021039782	VILA DE CRUCES	MELLORA DA RÚA VÁZQUEZ DENDE O ENTRONQUE COA RÚA SERGIO IGLESIAS PAZOS ATA O ENTRONQUE COA TRAVESÍA VÁZQUEZ 2	3	<b>60,54</b>	892.360,54	596.681,13	295.679,41	
2021040015	REDONDELA	HUMANIZACIÓN DA RÚA PICOTA, PRAZA DA FONTE DO MOURO E CONTORNA DA CAPELA DE SANTA MARIÑA	3	<b>60,51</b>	849.254,38	636.940,79	212.313,59	



EXPTE.	CONCELLO	ACTUACIÓN	LIÑA	PUNTUACIÓN	ORZAMENTO	SUBVENCIÓN PROPOSTA	ACHEGA MUNICIPAL	OBSERVACIÓNS
2021039333	FORCAREI	REFORMA CASA DA XUVENTUDE DE FORCAREI PARA USOS MÚLTIPLES	1	<b>60,30</b>	487.048,45	413.991,18	73.057,27	
2021039808	SALCEDA DE CASELAS	PROXECTO BÁSICO E EXECUTIVO DE REFORMA INTEGRAL PARA CENTRO CÍVICO	1	<b>60,11</b>	673.674,12	538.939,30	134.734,82	
2021039100	SALVATERRA DE MIÑO	HUMANIZACIÓN DA RÚA MARQUÉS DE VIANA	3	<b>59,75</b>	586.867,68	498.000,00	88.867,68	Concesión condicionada á obtención de autorizacións sectoriais
2021039758	A LAMA	MELLORA DA SEGURIDADE VIAL NA RÚA MIGUEL CARBAJAL E NA ESTRADA DA FRAGA	3	<b>57,33</b>	457.815,16	412.033,64	45.781,52	
2021035069	VILANOVA DE AROUSA	ACONDICIONAMENTO DE BAIXO PARA ARQUIVO MUNICIPAL DO CONCELLO DE VILANOVA DE AROUSA	1	<b>56,66</b>	254.485,72	190.864,29	63.621,43	
2021040009	MORAÑA	HUMANIZACIÓN DUN TRAMO DA RÚA 6 E CAMIÑO O NÚCLEO RURAL DE MOS	3	<b>55,78</b>	196.109,12	176.498,21	19.610,91	
2021039768	A ESTRADA	CONSTRUCCIÓN DE PISTAS DE ATLETISMO NA ESTRADA	2	<b>54,20</b>	1.320.000,00	858.000,00	462.000,00	
2021040005	MEAÑO	MELLORA EFICIENCIA ENERXÉTICA E ACONDICIONAMENTO DE PAVILLÓN DE DEPORTES DE MEAÑO	1	<b>53,95</b>	450.400,72	360.320,58	90.080,14	
2021040000	POIO	PROXECTO BÁSICO E DE EXECUCIÓN PARA UNHA ACTUACIÓN DE MOBILIDADE SOSTIBLE NO ÁMBITO DAS RÚAS SAIÑAS E PUNTADA	3	<b>53,70</b>	942.000,00	753.600,00	188.400,00	
2021038244	AS NEVES	HUMANIZACIÓN DA RÚA TRAVESÍA EIRA DA LIÑAZA	3	<b>52,97</b>	399.776,62	359.798,96	39.977,66	
2021040023	PONTECESURES	OBRA RE-CONEXIÓN PEONIL, SEGURA E AMABLE DO NÚCLEO URBANO DE PONTECESURES	3	<b>52,65</b>	366.779,86	330.101,87	36.677,99	Concesión condicionada á obtención de autorizacións sectoriais
2021039569	SILLEDA	PROXECTO BÁSICO E DE EXECUCIÓN PARA A NOVA CASA CONSISTORIAL DE SILLEDA, FASE I. "NATURALMENTE NOSO"	1	<b>50,79</b>	1.802.893,51	713.249,55	1.089.643,96	Concesión condicionada á obtención de autorizacións sectoriais
2021039801	VALGA	CONSTRUCCIÓN DE SENDA PEONIL E VÍA CICLABLE NO CONTORNO DA	3	<b>50,66</b>	500.915,47	425.778,15	75.137,32	Concesión condicionada á obtención de autorizacións





EXPTE.	CONCELLO	ACTUACIÓN	LIÑA	PUNTUACIÓN	ORZAMENTO	SUBVENCIÓN PROPOSTA	ACHEGA MUNICIPAL	OBSERVACIÓNS
		GÁNDARA DE CAMPAÑA. REHABILITACIÓN AMBIENTAL DO ÁMBITO						sectoriais
2021040003	A GUARDA	EXECUCIÓN DE REFORMA E AMPLIACIÓN DO PAVILLÓN POLIDEPORTIVO DA SANGRIÑA	1	<b>50,08</b>	1.674.023,95	609.672,74	1.064.351,21	Concesión condicionada á aprobación da modificación de crédito correspondente do ano 2022
2021039815	SANXENXO	REFORMA DO PAVILLÓN POLIDEPORTIVO BALTAR - PORTONOVO	1	<b>50,00</b>	1.071.431,75	803.573,81	267.857,94	Concesión condicionada á aprobación da modificación de crédito correspondente do ano 2022
		<b>TOTAL</b>			<b>39.074.231,82</b>	<b>26.284.445,54</b>	<b>12.789.786,28</b>	

#### ANEXO II – RELACIÓN DE 8 SOLICITUDES DESESTIMADAS

EXPTE.	CONCELLO	ACTUACIÓN	MOTIVOS DE EXCLUSIÓN
2021039819	ARBO	PROXECTO DE MELLORA URBANA DA CONTORNA DA IGREXA DE SAN SEBASTIÁN DE CABEIRAS. FASE 1	Non dispoñer da titularidade dos terreos ou dun dereito de uso ou cesión sobre estes que teña unha duración indefinida, xa que consta presentada unha escritura de cesión sen carácter indefinido (apartado 1 da base 6ª)
2021040014	RIBADUMIA	PROXECTO DE URBANIZACIÓN PARA AMPLIACIÓN DE ESPAZOS PÚBLICOS EN BARRANTES	Non dispoñer da titularidade dos terreos ou dun dereito de uso ou cesión sobre estes que teña unha duración indefinida, xa que a actuación que se pretende realizar afecta a un viario de titularidade provincial (apartado 1 da base 6ª)
2021039140	MONDARIZ BALNEARIO	HUMANIZACIÓN DA RÚA VERDEAL	Inviabilidade de realización da actuación proposta, xa que a sección proxectada do viario non se corresponde co espazo dispoñible no terreo
2021039790	SOUTOMAIOR	HUMANIZACIÓN DA PRAZA DE CIMADEVILA A RÚA ROSALÍA DE CASTRO, ARCADE. CAMIÑO DE SANTIAGO TRAMO 1	O proxecto non acada o 50% da puntuación total (apartado 1 da base 6ª)
2021039337	PAZOS DE BORBÉN	REFORMAS E MELLORA DE EFICIENCIA ENERXÉTICA NO CENTRO SOCIAL DE CEPEDA	O proxecto non acada o 50% da puntuación total (apartado 1 da base 6ª)
2021039568	BARRO	REFORMA DE PAVILLÓN POLIDEPORTIVO DE BARRO	O proxecto non acada o 50% da puntuación total (apartado 1 da base 6ª)
2021040022	O PORRIÑO	HUMANIZACIÓN PROLONGACIÓN ANTONIO PALACIOS	O proxecto non acada o 50% da puntuación total (apartado 1 da base 6ª)
2021039766	AGOLADA	REFORMA E MELLORA DE PISCINA MUNICIPAL DE AGOLADA	O proxecto non acada o 50% da puntuación



EXPTE.	CONCELLO	ACTUACIÓN	MOTIVOS DE EXCLUSIÓN
			total (apartado 1 da base 6ª)

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por unanimidade, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e do Grupo Provincial do Partido Popular (7).

## **6.- ROGOS E PREGUNTAS**

Non houbo.

E non habendo máis asuntos que tratar, a Presidencia dá por finalizada a reunión, sendo as doce horas e dez minutos, do que, como secretaria, dou fe.

Pontevedra, na data da sinatura electrónica

A Secretaria da Comisión,  
(*documento asinado electronicamente*)  
Marina Piñeiro Novo

